



UGOVOR o nabavci opreme sistema katodne zaštite

Ugovorne strane:

KJKP Sarajevogas d.o.o., Sarajevo, ul.Trg Fadile Odžaković Žute br. 4, Sarajevo
Koga zastupa: Direktor mr.sc.Nihada Glamoč, dipl.ing.maš.,(u daljem tekstu: Kupac)

^{DUBROVČAN}
i PA-EL d.o.o. Dubrovčanin br. 33b iz Velikog Trgovišća, Hrvatska
a koga zastupa: Direktor, Neda Jambrek, mag.oec.,u daljem tekstu: Prodavac)

Član 1.

Predmet ovog Ugovora je nabavka opreme sistema katodne zaštite po konkurentskom zahtjevu za dostavljanje ponuda broj KN-05-13/18. Prodavac je dostavio ponudu prema obrascu za cijenu ponude broj SP-OJ04-KN-05-13/18 (Aneks III).

Sadržaj i vrijednost opreme iz stava 1. ovog člana (obrazac za cijenu ponude SP-OJ04-KN-05-13/18 Aneks III) priložen je ovom Ugovoru i predstavlja njegov sastavni dio.

Član 2.

Ugovorna vrijednost opreme iz člana 1.ovog ugovora iznosi: 17.800,00 EUR (slovima: sedamnaest hiljada osamsto EUR). Ugovorne cijene iz Obrasca za cijenu ponude ostaju nepromjenjeme za svo vrijeme trajanja ovog ugovora.

Član 3.

Prodavac će opremu iz člana 1. Isporučiti prema obrascu za cijenu ponude SP-OJ04-KN-05-13/18 nakon zaključenja ovog Ugovora. Rok za isporuku predmetne opreme iznosi 60 dana od dana dostavljanja narudžbenice. Ugovorne strane su saglasne da se kvalitativni i kvantitativni prijem isporučene opreme izvrši u skladištu kupca i o tome sačini zapisnik.

Član 4.

Prodavac će obračun isporučene opreme vršiti po jediničnim cijenama iz svoje ponude koja je sastavni dio ovog Ugovora. Kupac će izvršiti plaćanje na transakcijski račun prodavca naznačen na fakturi, nakon izvršene isporuke opreme i prijema uredno ispostavljene fakture u roku od 30 dana.

Član 5.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja Ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane.

Član 6.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

Član 7.

Prodavac je u obavezi da nakon dobivanja narudžbe od kupca isporuči opremu u roku od 60 dana. Za svaki dan kašnjenja u isporuci opreme kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.



Član 8.

Ukoliko kupac u ugovornom roku iz člana 4. ovog Ugovora ne plati cijenu za isporučenu opremu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj Ugovor se zaključuje na period od 1 (jedne) godine, počev od dana potpisivanja istog. U slučaju raskida Ugovora, ugovorna strana koja traži raskid Ugovora obavezna je da o svojoj namjeri obavijesti drugu ugovornu stranu, sa otkaznim rokom od 30 (trideset) dana.

Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja Ugovora.

Član 11.

Na sve odnose i institute koji nisu navedeni u Ugovoru, a pojave se prilikom realizacije, primjenjivati će se odgovarajuće odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje ugovorne strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor, Neda Jambrek, mag.oec.



Broj ugovora: 3245/18

Za Kupca:

Direktor Preduzeća

Mr.sc. Nihada Glamoč, dipl.ing.maš.

Izvršni direktor

Mr. Mehmed Mehović, dipl.oec.

Broj ugovora: 125/18

15-05-2018

